

欽定大清會典圖卷一百二十一


天文十五

恆星十四

黃平象限表

距限差表

新法求均數圖三



均數者盈縮差也。最卑前後兩象限為行盈。最高前後兩象限為行縮。然盈縮差自最卑最高起算。最高前一象限雖行縮實行仍大於平行。故最卑後半周皆為加差。最卑前一象限雖行盈實行仍小於平行。故最高後半周皆為減差。今求盈縮差用借角求角之法。與不同心天之法略同。但多一橢圓差耳。故先以平行求得對倍兩心差之角。又以平行求得橢圓差角。與對倍兩心差之角相加減而得均數。其加減之法如第一圖。甲為地心。

乙為本天心。甲乙為兩心差。甲丙為倍差。丁戊己庚為本天。辛壬癸子為黃道。以行度言之。太陽在最卑前後。當子辛辛壬兩象限。其本天平行丑甲寅丁面積未及半周。而以黃道度計之。已見自子行至壬。故為行盈。太陽在最高前後。當壬癸癸子兩象限。其本天平行寅甲丑己面積已過半周。而以黃道度計之。止見自壬行至子。故為行縮。以盈縮差言之。太陽在最卑丁。是為初宮初度。當黃道之辛。甲丁辛成一直綫。無盈縮差。太陽在最高己。是為六宮初度。當

黃道之癸甲癸己成一直線亦無盈縮差而自
最卑後行丁寅戊己半周實行皆大於平行如
第二圖平行至寅所截甲寅丁平行積度略與
寅丙丁角度等

第一橢圓差
和故謂略等

自地心甲視之已

當黃道之壬壬甲辛角必大於寅丙丁角又如
平行至戌所截之甲戌丁平行積度略與戌丙
丁角度等自地心甲視之已當黃道之卯卯甲
辛角必大於戌丙丁角故皆為加差自最高後
行己庚丑丁半周實行皆小於平行如平行至
庚所截甲庚己平行積度略與庚丙己角度等

自地心甲視之。方當黃道之辰。辰甲癸角。必小
 於庚丙乙角。又如平行至丑。所截甲丑乙平行
 積度。略與丑丙乙角度等。自地心甲視之。方當
 黃道之子。子甲癸角。必小於丑丙乙角。故皆為
 減差。此盈縮之理。與不同心天之理同。至求盈
 縮差之法。當先以平行積度。加減橢圓差角。九
度以內。大一橢圓差角。則加九十度以外。為所
小一橢圓差角。則減正九十度無差角。
 設之丙角。而求對倍差之角。與所設之丙角相
 加。得實行。以平行與實行相減。乃為均數。然其
 數奇零。不便立算。故先以平行求得對倍差之

角。而後加減橢圓差角。為尤便也。如第三圖。太陽在巳。甲巳丁分橢圓面積。為平行距最卑。後六十度。知巳丙甲角度。比所設之甲巳丁平行積度。大一橢圓差角。則於巳丙甲角內減未丙午橢圓差角。餘午丙甲角。必為六十度。而與甲巳丁平行積度相等。故先設午丙甲角為六十度。用甲丙午三角形。求得對甲丙倍差之午角。一度四十一分二十九秒。與平行午丙甲角相加。則得午甲丁角。然太陽原在巳。當黃道之申。實行申甲辛角。

即申
比午

比午甲丁角。尚大一巳甲

午角。故又求得未丙午橢圓差角一十三秒。與

巳甲午角等。

巳甲午角與未丙午角同當巳午線而甲午線短於丙午則角略大。

然所差甚微故為相等。

與午角相加。

九十度以內大一得橢圓差角故加。

一度四十一分四十二秒。是為均數。為加差。以

加於平行而得實行也。若太陽在酉。當黃道之

戌。甲酉己分橢圓面積。為平行距最高後一百

二十度。而距最卑前六十度。則對甲丙倍差之

亥角。與午角等。乾丙亥橢圓差角。亦與未丙午

角等。但其均數為減差。以減於平行而得實行

也。如第四圖。太陽在亢。甲亢丁分橢圓面積。為

平行距最卑後一百二十度。知亢丙甲角度。比
所設之甲亢丁平行積度。小一橢圓差角。則於
亢丙甲角。加房丙氏橢圓差角。得氏丙甲角。必
為一百二十度。而與甲亢丁平行積度相等。故
先設氏丙甲角為一百二十度。用甲丙氏三角
形。求得對甲丙倍差之氏角。一度三十九分四
十七秒。與平行氏丙甲角相加。則得氏甲丁角。
然太陽原在亢。當黃道之尾。實行尾甲辛角。即
尾比氏甲丁角。尚小一氏甲亢角。故又求得房
丙氏橢圓差角一十三秒。與氏甲亢角等。氏甲
亢角

與房丙氏角。同當亢氏弧而甲氏綫長於
丙氏。則角略小。然所差甚微。故為相等。與氏

角相減。

九十度以外。小一精圓差角。故減。

餘一度三十九分三

十四秒。是為均數。為加差。以加於平行而得實
行也。若太陽在斗。當黃道之牛。甲斗己分橢圓
面積。為平行距最高後六十度。則對甲丙倍差
之女角。與氏角等。女丙虛橢圓差角。亦與房丙
氏角等。但其均數為減差。以減於平行而得實
行也。用此法求得最早後半周之加差。即得最
高後半周之減差。列為表。此法與以丙為心作
不同心天之法略同。但多一橢圓差。又平圓之

半徑為一千萬。橢圓則自甲丙兩心中綫合於
圓界共為二千萬耳。而太陽距地高卑之差止
及兩心差之半。與均輪之法不謀而合。故橢圓
之法正所以合不同心天與本輪均輪而一之
也。